


1

Loma  
LIDAGULIK**Mahatma Gandhi**  
(1869-1948)

**Mahatma Gandhi** (Mohandas Karamchand Gandhi) tis indiaf gaderopaf andik.

Tanealik is rietovik va **metizura is wideytafa mevegera**, va jontik lizor tunuyas ik rojus va rokeem koswavyar. Inaf trak malyopas va witucaja is kota ristarinda, va kimiskafa is metarkasa vonera ke tamava buntur. Ta miltuca wal kota alka isu mikra isu ikra lyumayar, kev mavabolk is zaaveva. Bak 1948 bal tumeruptesara va India gan uxeik zo adjuher.




Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man

2

Loma  
LIDAGULIK**Nelson Mandela**  
(1918-2013)

**Nelson Mandela** tir geeafrikaf gaderopik. Ebeltik koe pateaata jontikedje feliyina gan batakikaf lek, mu zaavafa miltuca mali jotugal dun lyumar.

Ba 1962 gan ardial zo soper aze gu xalta zo lanzar nume bak 27 tanda di zo koflintar. Vanpir lecapa koe kotafa tamava. Tere tunuyayana, va nepalera wal zaaveem wasteper nume va tena ke *Apartheid* bolk is pendera va saneroti diliodon lajuseotar. Azon taneagadesik va sokasane zo libur. Va **Dilifo Nobel Poradro** (1993) kazawar.



Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man


3

Loma  
LIDAGULIK**Andrey Saxarov**  
(1921-1989)

**Andrey Saxarov** tir rossiaf sovietaf alte-lopik.

Bak 1950 sanda, tir tan envasik va sovietafa lavagaora. Voxe, mali 1960 va **ayikaf rokeem** toz mo-rojur ise va torkeva is rujara va solsiikeem loloon volunt ranker.

Bak 1975 va Dilifo Nobel Poradro seotar, voxe koe Gorki widava koeon di zo divblir ise zo kaleninter. Neke mali awalkera bak 1989, va fabdura is pendera va saneroti dun sayudar.



Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man

4

Loma  
LIDAGULIK**Martin Luther King**  
(1929-1968)

**Martin Luther King** tir amerikaf gertik.

Jotaf, va **lyumara ta wideyaf rokeem** ke ebeltikeem is miltuca vilter, metizuson sayudason ta dili is kev zaaveva is wawuca. Va konaka kevotcesa exaksara isu tazgara isu tegira grustar, i va tulon Lanira ko Washington ta Nuyuca viele va osafa num kotgrupafa dewitca ("*Al kloká*") tiyar.

Va Dilifo Nobel Poradro (1964) kazawar, voxe bak 1968 urbenon zo adjuher.



Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man

5

Loma  
LIDAGULIK**Rigoberta Menchú**  
(1959-)

**Rigoberta Menchú** tir amerindiaf guatemalik.

Mali rumeugal wetce tawadayaf dodelik koe miduxopo kobar lize va kalsavera is nyerrara is tizuca levgar. Azon mu rojura va **rokeem ke mivirubaf saneem** toz sayudar, koe vo lize sayakafa ik anamsayakafa rujara va konak vuntoy xonukesik nekiyir. Mu ayikyaf rokeem is vonera va miltekafa kazara dere lyumar. Gu Dilifo Nobel Poradro ba 1992 zo gabler.



Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man

6

Loma  
LIDAGULIK**« Tank Man »**  
(?-1989)

« **Tank Man** », okon vuesten gu Megrupen Exaksasik, tir ayoltafe siniafe yikye. Bak imwugal ke 1989, jontika diliodafa exaksara koe Beijing koe Sinia dilized, tulon sopuna gan kotlaf jotikeem, ranketeson va avonara ke vertuma is imaxutuson va gaderopafa is sanerotifa fabdura. Ba 05/06/1989, rictaga va jontik bort mo Tiananmen Viga stakser. Sipuxa va ikpa abdulpapir viele antafe yikye dem bata kaf klaim is toloy eyelt vaon lentegir ise budar. Rujara va kunoy xonukesik di nekir, don ape «Tank Man».



Miwara va bata bifa koe Sinia wan zo biur

"Tank Man" stops the advance of a column of tanks on June 5 1989, in Beijing. Photo by Jeff Widener.


Mahatma Gandhi - Nelson Mandela - Andrey Saxarov - Martin Luther King - Rigoberta Menchú - Tank Man

1

Loma  
EXUSIK**Spartacus**  
(-100 - -71)

**Spartacus** tir levetirik is rivalyumasik ke rotir oluafa Thraki xanta. Tir dalaf okilik ke exusikeem remi Bar-eafa **Levetirafa Geja** koe Italia wali -73 is -71.

Bata exurapa nelkon dilizeyesa koe geefa Italia va konak kunoy levetirik is sutaf tawadayik katanar, kev roti ke Roma is felira ke pilkotapikeem. Exusa ervolia ke Spartacus va konaka romafa jopa mocener, voxe tere zo surter. Rujara ke Roma di tir eaftafa. 6000 levetirik kene Appia vawa wale Capua is Roma zo gamdaytad aze zo rumkad.



Spartacus - Ali ibn Muhammad - Wat Tyler - Thomas Müntzer - Matalas - Alyona Arzamaskaya

2

Loma  
EXUSIK**Ali ibn Muhammad**  
(?-883)

**Ali ibn Muhammad** tir miltefaf dewitcasik di vanpis dalaf okilik ke **Zanj Tcumivera** botcesa va gijaratifo Abbas Xilafa gazaxo ke Bagdad wali 869 is 883. Ina tir jadifa exura ke yon levetirik vey Afrika (Zanj sanerik) is jontik copaf tawadayik ke vagexo ke Iraka kev istefi roti is olguca ke seltaf gropeem.

Deblamera va Basra sinon olgalicuyuna az durulafa rujara moi selura va sinafa exura va konak vuntoy xonukesik di zo nekiyid.



Spartacus - Ali ibn Muhammad - Wat Tyler - Thomas Müntzer - Matalas - Alyona Arzamaskaya